

固安縣志

卷四 故實志

第二 兵事

固安在畿南百里北枕桑乾西襟督亢爲故郡之朔衛實三輔之奧區自古有事幽燕此爲兵事必爭之地故世治則寇豪聚集百貨出達世亂則戎馬停僇四民瀟美誦者考諸一鄉一邑之治亂而一方一時之安危係焉年來國體變更天不帶亂縣境適爲奉奉平漢兩路綏東西適中要地故民國九年直皖之役十一年直奉之役莫不據爲中路開爲戰場而吾僑小民震驚於砲火之中奔馳於道途之上瘡痍已極兵燹無窮設後更有戰爭禍亂未知所居故攷伊古以來載籍所書各兵事關於縣境者著於篇世有悲憫之君子其亦覽觀而知警惕焉

縣內多禾縣人買廷

燕師築韓侯城

周成王十二年王師燕師城韓王錫韓侯命清徐文靖箋曰韓侯城在今固安縣境

固安縣志

卷四 故實志

又薄彼韓城燕師所完以先祖受命因是百蠻王錫韓侯其追其緒奄受北國因其伯見
又聖水東南逕韓城東王肅云今涿郡方城縣有韓侯城世謂之韓號城非也
又韓築營在固安縣南或以爲古韓城也
又韓築營者是日下舊聞
南名韓築營者是日下舊聞

按周初封韓侯居韓地爲侯伯後爲獫狁所逼水經注引常見侵暴故成王命燕師爲之築城以捍之此爲縣境被夷禍最初見於載籍之始至韓城殊非今之韓築營地顧朱兩說尚須待攷

燕襲涿方城

燕襲王以河爲境以蒯爲國襲涿方城殘齊中山

按周初韓侯國境包有方城之地是方城本隸屬於韓據韓非說自爲燕所襲始改隸於燕而方城二字見於古初載籍者實以此爲嚆矢
趙李收拔方城

悼襄王二年李牧將攻燕拔武遂方城正義引括地志曰方城故城在幽州固安縣南十七

里時二邑屬燕趙使李牧拔之見史記世家又燕王喜十二年趙使李牧攻燕拔武遂方城徐廣

曰方城屬涿有督亢亭見史記世家又李牧者趙北邊良將也悼襄王元年廉頗既亡入魏趙使李

牧攻燕拔武遂方城見通鑑又固安縣西南十八里有土臺俗呼雀臺傳是李牧故蹟見石志

按李牧之拔燕方城實秦始皇帝之四年戊午而司馬公通鑑載其事於秦皇三年丁

巳與史記趙世家及列傳均差一年又按孫承澤春明夢餘錄謂李牧將臺即雀臺在

固安南地名韓築者是其說亦屬附會

燕荆軻獻督亢地圖於秦

燕見秦且滅六國秦兵臨易水禍且至燕太子丹陰養壯士二十人使荆軻獻督亢地圖於

秦秦陰徐廣曰方城縣有督亢亭見史記世家又荆軻曰誠得樊將軍首與燕齊之地圖集解

引劉向別錄曰督亢膏腴之地秦陰引司馬彪郡國志曰薊縣方城有督亢亭正義曰今固

安縣南有督亢陌見劉向別錄又孫暢之述畫有督亢地圖言太子丹使荆軻獻秦秦王殺軻

固安縣志 卷四 故實志

兵事

圖亦滅絕見水經注

按燕王喜十三年都已拔燕方城是方城已折入於趙矣至此逾十六年燕王喜二十八年即秦二十

十年二燕何以尚畝方城境內督亢之地圖於秦以今度之趙所拔者當僅方城之迤南

境其北與西南境隸屬於燕尙日若也故於此更獻其圖於秦云

東漢劉喜屯陽鄉

建武四年竇進攻潁陽時侯虜將軍終遂屯良鄉驍騎將軍劉喜屯陽鄉李賢注曰陽鄉故

城在今幽州故安縣西北見後漢書又陽鄉漢縣故城在今固安縣西北二十七里亦謂之

長鄉城見宋平定縣志又陽鄉今固安縣西北地見清李鴻洛地理今釋

按陽鄉即今永定河南岸之長安城古爲固安轄境今屬宛平縣

晉劉琨段匹繡進屯固安

元帝建武元年琨與段匹繡期討石勒推琨爲大都督誦血戒書檄諸方守俱集襄國琨匹

繡進屯固安以俟衆軍匹繡從弟宋波納勸厚略獨不進琨匹繡以勢弱而退見晉書又建

武初匹磾推劉琨爲大都督結盟討石勒并檄涉復辰陸眷段末杯等三面俱集襄國匹磾進屯固安以候衆軍匹磾西又劉琨與段匹磾涉復辰陸眷段末杯等會於固安謀討勒勅使參軍王續齎金寶遺末杯以問之末杯乃說辰眷等引還琨匹磾亦退如薊城見前

按晉之固安當爲今涿易兩縣地非吾縣之本境然當日既由薊北進軍則縣境實爲必經之地故永清亦載有劉越石墳之遺址又按隋志地理志開皇六年改故安爲固安論者遂以此爲改故爲固之始然按晉書列傳及魏書地形志均作固安又近年出土之魏胡敳墓誌沈起尊銘鮮于高頭尊銘亦均作固安則改故爲固當漸起於六代以前非始於開皇中也蓋隋志所論改者乃始移故安之名被於方城之主非僅改故爲固之謂也

後魏常景敗杜洛周於栗園

孝昌元年八月杜洛周反號眞王南園無州九月詔左將軍幽州刺史常景爲行臺討洛周

固安縣志 卷四故實志

一年秋七月洛周遣其別帥曹純眞寇掠幽州常景遣都督于榮邀於栗園大破之斬純眞

明見帝紀又固安之栗園見魏書又固安之栗園因有栗園見魏書又栗園在今固安縣界見魏書

按栗園未詳在今縣境某地且境內亦無產栗處

唐羅藝敗高士興於籠火城

建德高士興進幽州攻之不克退軍於籠火城爲羅藝所襲士興大敗見魏書又陰鄉遺址俗謂之籠火城唐武德三年竇建德將高士興遠軍籠火城是也見魏書又陰鄉漢縣名在薊縣南界良鄉界固安北界三縣交入之地見本紀

按籠火城今當屬於宛城惟在唐既爲固安北界則此卷亦不可缺載蓋兵事風鶴所及達於四遠未可以今縣無其地缺而不書反致掛漏也

周張弼英下固安

顯德六年五月乙酉以瓦橋關爲雄州益津關爲霸州是日先鋒都指揮使張弼英破契丹

數百騎于瓦橋關北攻下固安縣周世宗五代史又藏英涿州范陽人自言唐相嘉貞之後周

世宗征瓦橋關爲先鋒都指揮使敗契丹騎數百於關北下固安縣藏英宋史又周顯德六

年世宗遣先鋒將軍進據固安自至安陽水作橋謀取幽州會有疾而還方輿記方又安

陽水在固安縣北拒馬河支流也詳見通鑑注

按通鑑諸書多載重進之據固安而不及藏英然考宋史重進本傳未嘗載其下固安

事而薛史世宗本紀亦只載藏英而不及重進故此篇以藏英爲主而以重進附見焉

宋何繼筠破契丹兵於固安

太祖建隆元年三月契丹入寇棣州刺史何繼筠追破其衆於固安獲馬四百匹續通鑑長

按是年繼筠破契丹兵本傳不載考宋太祖遜穆宗兩本紀亦未之載則長編云云疑

即先數年繼筠在周時與契丹戰之事而長編年月偶誤也

遼景宗兵次固安

固安縣志

卷四故實志

軍事

乾亨二年冬十月辛巳將南伐宋祭旂鼓庚寅次固安以青牛白馬祭天地己亥圍瓦橋關

按固安自石晉天福初入於契丹周世宗其橋之後張藏英等雖下固安旋因柴退師

固安之屬於遼自若也故此時景宗出兵直逾固安南境以圍攻瓦橋云

宋曹彬等克固安城

雍熙三年春三月癸酉曹彬與契丹兵戰固安南克其城宋史又雍熙三年詔彬將幽州

行營前軍馬步水陸之師與潘美等北伐三月敗契丹於固安破涿州王國英宋史又繼

隆獲高陽關屯兵從曹彬征幽州助先鋒薛繼昭破其衆數千於固安南下固安薛繼昭又

繼官從先鋒李繼隆率方城力戰三日大軍繼至遂克固安縣薛繼昭又延召爲幽州道前

軍先鋒都指揮使與賊遇於固安南破其衆三千斬首千餘殺克固安新城二縣薛繼昭又

統和四年宋復來伐其將曹彬米信出雄易取岐溝涿州陷固安置屯下西通鑑又

按此役宋將以進師過銳竟至餽餉不繼不久即敗退縣境復爲遼有自是終宋之世

雖屢圖恢復而終無成功

遼耶律頗德敗宋師於固安

統和四年春三月甲戌于越休哥奏宋遣曹彬等由雄州道來伐岐潛涿州固安新城皆陷
詔徵諸部兵益休哥以擊之丙子統軍使耶律頗德敗宋軍於固安休哥絕其糧餉擒將吏
獲牛馬器械仗其衆聖見遼紀又統和二年頗德爲南京統軍使四年敗宋軍於固安俘獲甚衆

賜檢校太師聖明帝親

遼耶律頗德復固安城

時上與皇太后駐兵驅離口夏四月癸丑上次涿州東五十里辛酉大軍次固安平皮關固
安城統軍使頗德先登城遂破大縱俘獲居民先被俘者命以官物贖之甲子貫攻城將士
有差聖見遼紀又五月癸酉班師還次新城己卯次固安以青牛白馬祭天地度辰以所俘宋
人射鬼箭聖見遼紀

按自是年三月初五日宋師取固安城初八日遼將頗德與宋人戰獲勝至四月二十

固安縣志

卷四故實志

二日聖宗親統大軍蓋固安越日固城遂破是固安自曹彬等克復後爲宋人所據
者僅五十口此五旬中大戰數次實爲縣境數千年兵事之所僅見

遼聖宗南伐次固安

統和二十二年秋八月丙午幸南京閏月己未南伐癸亥次固安以所獲獵者射鬼箭甲子
以青牛白馬祭天地聖見遼紀

按遼聖宗兩次親蓋固安前者實奉其母睿知太后蕭氏以行聖見遼紀今縣治東北角
有井名主石井水其甘洌相傳遼蕭太后築城時所穿聖見遼紀固安語雖似附會然亦未可
謂全屬子虛也又縣東南之韓寨營相傳遼大將軍韓常駐軍於此因名聖見遼紀或亦
可信云

宋劉延慶誘樂師由固安渡盧水

徽宗宣和四年十月劉延慶誘入燕之策郭樂師進曰遼蕭碎以全師抗我燕山可處虛而
入宜選輕騎由固安渡盧水至安次齊赴燕城可得也乃命趙鶴壽夜半渡河衝柝倍道

至三家店駐軍次日藥師領常勝軍五千人奪迎春門而入陣於懷忠寺前

見宋史

卷三

又王師北討劉延慶與遼肅幹軍於盧溝藥師曰幹以全師抗我無城必慮還動騎襲之可

得也延慶遣藥師與諸將帥兵六千夜半渡河

見宋史

懷道爲宋護糧將王淵

見通鑑

又十二月壬午遼人回軍肅祚復攻涿州安次固安兩縣下

之會見北盟

按徽宗宣和四年九月遼將郭藥師以涿易二州降宋明年夏四月金人以涿易六州

來歸改爲燕州府以統之自是我縣境入於宋至七年冬十月金將幹刺布兵破薊州

至三河藥師以燕山府叛降金從此縣境更屬於金至固安舊志與地門載金正二

年斜剌屯方城及宋人燒方城縣以東田野一條不知此之方城乃金時裕州屬設有

方城縣與我縣之方城村了不相涉援引實誤又舊志更載有宋范致虛勳王及趙樽

以兵救方城二條其誤亦同今皆削去不書

金完顏亮率義軍巡邏固安

固安縣志

卷四故實志

兵部

六

寇中都寶坻人善騎射輕財好施得鄉曲之譽貞祐初縣人共推爲四鄉部頭剗合義

兵衆賴以安與弟奉衆數千巡邏固安永清間進授寶坻縣丞充義軍都統領

見金史

元石抹明安拔固安

乙亥春明安駐軍於京南建春宮過金兵於永清砲擊大破之又遇於涿州宣封塞盡得輜

重四月攻拔固安縣

見元史

明安傳

按固安境自金太宗天會三年即宋宣和七年復屬於金至是更爲元有即元太祖十年也

元石抹字迭兒以黑軍屯固安

字迭兒仕金爲薊州平曲水寨管民官降元以功升爲龍虎衛上將軍薊州等路元帥佩金

虎符以黑軍鎮守固安水寨既至令兵士屯田且耕且戰拔薊韓立威舍數年之間城市悉

完爲燕京外蔽見元史又也先養敢死之士萬二千人號黑軍者上於朝子札拉亦善

射獲御史大夫領黑軍已卯詔以黑軍分屯真定固安諸郡

見石錄

又子查剌仍以御史大夫領黑軍初其父阿辛所將軍皆猛士衣黑爲號故曰黑軍歲己卯詔黑軍分屯真定固安

問
阿見石孫
幸傳

按元史卷一百五十之石抹也先與一百五十二之石抹阿辛實爲一人而列傳兩處殊爲疏忽又按元代石抹也先之黑軍當時最號雄猛至其子香剌於元太祖十四年己卯詔分屯固安等處然分屯至六七處之多則香剌未必駐於我縣以今度之當日專駐縣境分統黑軍者或爲其同族石抹迭兒故此編以李迭兒爲主而以香剌塔焉

元不里刺以質子屯固安

中統三年冬十月戊寅命不里刺所統固安平懷質子軍自益都徙還故地

見元史地理志

按今縣治東十五里知子營鎮當即元時駐質子軍之地彼遂沿以爲名但訛實爲知耳舊志謂元伯璽丞相屯軍於此其家傳報生子遂改馬慶店爲知子營其說似屬附會

明成祖駐兵固安

固安縣志

卷四故實志

兵事

七

建文四月癸丑議報李景隆軍過河間前鋒已至白溝河郭英等軍過保定期於白溝河合勢而來我師遂駐固安二年實錄文又建文二年夏四月李景隆進兵北伐與郭英等期於白溝河合勢同進燕王率諸將進駐固安張玉請先往駐白溝以逸待勞既至三日景隆前鋒都督平安至是日燕兵渡巨馬河駐營蘇家橋見諸谷志又建文元年四月辛丑燕王率衆渡馬駒橋南駐武清癸丑景隆軍至河間先鋒平安先至白溝河燕王進至固安謂仁福曰李景隆等數子皆匹夫惟恃其衆然衆不可恃人衆易亂徒多無益其中兵雖多糧餉雖富適足爲吾之資耳是日燕軍渡巨馬河駐營於蘇家橋明從錄建文

按燕王駐兵之蘇家橋在我縣西境清河即起馬河左近由此進兵白溝實爲便捷之路而清一統志及通鑑輯覽均以今文安縣屬之蘇家橋當之夫成祖既已數行渡巨馬河而西直指白溝相距不過數十里豈有反轉至巨馬河東南百餘里外今文安境蘇家橋鎮之理且彼蘇家橋至白溝多係水鄉亦非舟楫不能達也不過彼係巨鎮著在輿圖我縣境之蘇家橋乃一鄉村知之者杳故一統志諸書遂不免以此移彼耳

明將孫鏗等遂已先於固安

正統十四年也先四出剽掠南逾瀋溝橋散掠下邑孫鏗楊洪范廣遜逮率固安又捷奪回人口萬餘見明史本紀又正統十四年十月二十二日遣都督楊洪孫鏗范廣等率兵二萬擊野仙之未去者二十五日破虜於固安得馬牛鹽數百匹奪還人口萬餘見明史本紀又景泰元年四月戶部奏順天府房山良鄉昌平武清固安等縣近被達賊虜掠人民驚竄又律荒

早無收缺食艱難宜免其差科濟以口糧見明史本紀又是年六月降官軍一千九百六十人俱進一級賞四千三百九十二人有差以固安霸州等處截殺達賊功也見明史本紀

明大隆席英王永叔孫固安

成化二十一年四月有強盜席英先為達官指揮使犯法避罪達舍王永者亦殺人亡命以驍勇善射相結行劫於固安霸州諸處從之者復數人一日忽騎馬露刃白晝入京城尋其仇不得去而愈肆錦衣衛指揮使陳璽令正千戶趙承章捕之二人皆無謀率衆還往所殺二人為所殺上怒降承章為副千戶令璽等戴罪追捕繼又降璽為指揮同知劉良代領其

固安縣志 卷四故實志

兵事

事通諭中外懸賞待捕英永欲走出關不果其黨漸獲勢亦孤乃遁去久之不獲後東廠太監羅祥緝知英有親在河南差千戶王英往跡之英永匿新鄉縣人唐愛唐恕家以報讐山衛指揮滅編知事王素合兵擒之以檻車械至命廷臣會鞠於朝上以其罪惡深重命凌遲於東西市見明史本紀又京師之南固安永清霸州文安等處京衛屯軍雜居人性驕悍好騎射往往路劫財輒奔散不可獲人號為放獍馬賊見明史本紀按今永定河以北強盜猶時出沒不常其風蓋已久矣

明賊劉六犯固安

正德六年秋七月賊犯文安京師戒嚴八月賊劉六犯固安見明史本紀又正德六年八月流賊劉六等陷固安大城靜海青縣天津兵禦勝之九月賊擁衆向都城京師戒嚴陸完諸將大敗賊於固安見明史本紀又正德五年冬十月貴州州強賊劉七等三十四人罪劉七本名晨與其黨皆霸州永清固安等縣農家州以盜多不能制聞晨及其兄劉六善騎射召令取黨齊彥明等協捕有功後凡遇警皆令晨等隨捕以為常逆賊劉瑾家人梁洪索貨於

晨寧不得遂誣爲賊奏遣御史審果柳尙義調兵圍形捕之逮繫妻孥盡破其家晨寧窮蹙

憤志乃相聚謀略至是已詔旨許自首免罪詔州自首知州郭坤以聞下兵部議覆遂實之

仍令協捕他盜自效未幾晨寧復叛崇禎又正德六年八月申提督軍務侍郎陸完師

出涿州忽報賊在固安上召大學士李東陽楊廷和黎儲至左順門內上南向立問曰賊在

東而師乃西出恐緩不及事欲令兵部追還完等令東如何東陽對曰甚當且行不遠二

日內可至崇禎又丙寅劉六以五十騎破順天之大城縣煙官民屠殺掠遂掠固安之紅

村市指揮使王口死之江海龍又齊彥名三百騎攻涿州稱報掠辛應里丙戌宋指

揮贊擊賊於固安之鄉哥壯斬首四江海龍又正德五年冬十月涿州降盜劉六文名議

人劉七名賊叛六七並號悍善騎射利從有司捕盜有功會誣爲盜乃投大盜張茂文人

茂擒六等叛去旬日間至數千畿南大擾六年八月命兵部侍郎陸完督邊兵討賊師行至

涿州忽傳賊犯固安且逼京師帝御左順門召完入衛完遂趨信安檄邊將許泰卻永擊賊

霸州敗之見通靈又蔣恭誥按畿內時劉六

固安縣志

卷四故實志

齊議招撫遣固安典史諱降劉六維拜典史令其姊自首乞命遂運疏其事乞赦之不報六

與鄉里慟哭別去禍遂半天下矣見明朱國華

按劉六之變湧幢小品所載遣固安典史諱降事惜未載典史爲何人攷舊志是時任

典史者有史賢河南孟津人未知即其人否

清總兵官吳內格克固安

天聰三年即崇禎十二年辛亥朔大兵經海子而南且獵且行趨良鄉克其城王子總兵官

吳內格克固安殲其衆見明王華謙又清兵薄京城兩遣使齎書議和遂自德勝門移營南苑

已而分兵下固安克良鄉見通靈又崇禎二年十二月大清兵殺攻城遂領海子而南趨良

鄉克其城大兵復分道攻固安亦下之還軍至盧溝橋見通靈又固安縣南十八里之彭

村武廟初有彭小仙者告其村人曰百年後兵來自旂下者生崇禎己巳歲敵掠犯固安惡

小仙言者望自旂下窺旂書都督周滿機云周勦人叛而將敵也其所掠偶無輒殺比去縱

環之見明劉帝

附錄明固安知縣秦士奇兵靖保守疏 奏爲蒙調殘邑仰體德意恭繪形圖以報聖

懷以祈保守事臣自萬曆年間十五入學荐登鄉試至天啟乙丑科始成進士初選以

不分南北授令蘇州府崑山縣以前五令遭蹙之地臣不憚勞怨緝奸徵通嗣以水土

不服積病請告歸山將及二年矣幸際我皇上中興景運臣漸瘳臣父不忍令臣終

銅盛明之世乃於去年八月出補真定府獲鹿縣知縣未及兩月即聞虜警畿南皆隣

同仇秦有保定撫臣解經傳文提動王兵馬砲械臣一一如數解至通州且與士民效

死共守彈丸小邑可幸無罪乃於新正十三日忽接部文以固安瘡痍之地蒙我皇上

軫念痛切調臣移任臣思自作秀才時以迄今日叨我皇上衣冠食我皇上廩祿荷蒙

皇上寵榮八口之家七尺之軀安往而非皇上所肌膚而體治者凡可計安百姓之處

無非可以報效皇恩之處當此而不任其難誰任其難者即於次日申文請署官交盤

倉庫二十三日日夜兼程自獲鹿抵固安七百餘里七日而至即奉按臣黃羽宸尊蠶

令臣星馳料理招撫安輯補苴綱繆等件又奉新道臣方一藻面議臣招撫流移修葺

固安縣志

卷四故實志

兵事

城池操練鄉兵預備糧械臣奉以從事至於本縣屠殘來歷與受患根源併臣親歷稽

形目前整理事宜輒敢爲我皇上瑣陳之初踞于十一月初一日自良鄉而來零星薄

至邑之西北雖邑中原無設有兵馬然官民站屯門自可固守但有惡棍偷兒平素

結盟行劫每每思亂無不垂涎于富有之家欲利其有一聞虜至即有好棍嚮導指引

乘機影拍未破城時遍村或領一達賊或假扮達形或學爲達語蠶食搶掠自白村官

莊西玉等村以及北關凡商賈店鋪席捲而空但有人言及鄉鄰譏面者無不付之刀

頭及賊至城下只有諸生唱罵而民兵膽落矣更有亂民報知城中虛實彼即令本縣

人民踰梯踰垣城上抱頭一呼遂至星散若士夫罵賊披髮者與婦女自縊投井者已

經申報外至進城即恨生員詆罵大肆屠戮虜衆蜂擁縣衙屯聚數日其官舍民屋盡

爲灰燼然原以金銀色衣之外一毫不取凡在城在村其窖藏之糧米匿收之器具反

爲地柱惡窩鑿壁錐地秋毫無遺甚而虜掠其子女閭閻其衣櫥焚毀其房屋嗟嗟固

安之民以何累劫遺此異慘一殲於夷人再盡於土寇臣始至於境種種見告臣一時

不覺髮上而淚下也臣一入宅中土灰滿眼睜瞞人吏役半屬亡魂文卷化為紙灰及臣一踏勘村落徒見新塚累累長鬣無個所傳見者郊原之血染殘樵之悲號責而日慘昏靈夜則隣聞鬼聲臣日日匹馬招安家喻口曉令其速速復業一月以來城中漸有往來村之來歸者亦十室而五但家破人亡之後粉版露肝無本無寶即成尚可稱貸於富有而富有之聲空更甚言念及茲臣有筭與派賦而不能下者幸蒙皇上照見逃亡愼發滙澤有府承魏光緒乘春和而議賑貸仰承德意提收固安庫理銀二千兩臣即備印文擇官連夜押解天府府臣奉命勸農視宰固安縣出示曉諭發帑銀三百兩令臣逐村遍查被傷人戶無牛種者量爲給散已開册報府外有不足臣又將存下倉穀量給四百餘石令復奉皇上新編蠲免本年錢糧矣殘邑再沐皇恩不膏白骨而肉之其一時臣民之荷再造而慶誕生者無不加額改顏至防守事宜增城潞池不敢別請錢糧亦不敢復請官兵但斟酌地畝若干畝編壯丁一人於舊治獲鹿能習武藝者臣剝俸共事操操以固吾圉不特臣盡心力而爲之又有撫臣按臣以及道臣督

固安縣志 卷四故實志

兵事

責而經營之臣斷不遺餘力以負職守而負君父累世之恩者嗟哉撫殘破之邑與平常異臣更有所不得爲者敢不祈請于主上耶蓋平常縣令在急國課速轉輸而今可幸蠲微不爲竭蹶然固安亦東南衝地且復協濟涿郡等處驛站銀兩如徵兵提餉一有差過應付頃刻勢不得不用馬用夫此處原無驛遞郵承非此地此民之財力誰爲代之者此民之不堪再疲者或量免協濟以抒本處之應付至於寄養馬匹一節原以近地便於提取令其照地數若干畝養馬一匹誠爲便計但本原派馬一千七百一十二匹留防偏苦猶可支也值此兵燹又經虜六七十匹今尚苦於補還如有再派其何以堪伏望皇上矜察在念將此殘邑姑免發派令其休養一二載暫借民力幫餉練兵以守此孤城則才遺之民庶其有瘳乎今日本縣根本之慮又在人心臣更有隱憂焉固安亂民引導飛機喜禍搶現者已奉按臣道臣之批發與臣自理之古揭者除傷人焚垣按律置辟其脅從量懲開網但有搶掠擄妻子而之走者招之不來恐怙終不歸復入據黨爲害不淺臣除用印給帖出示有逃亡不歸者令其族人親戚執文赴遵化等

處尋覓復業即有素日無知拾遺盜物者亦許其改過自新如有不歸查其地產申報

佔令給無業承種庶一以招其來之永利而示以不來之大害庶民變歸來罔其那本而有土有人也臣以么麼下吏妄竊寬聽仗乞皇上察臣以不得已之情而爲不得已

之言謹將勘過城村被寇殘害情形恭摺奏覽臣無任激切陳忱待命之至爲此具本

專差義勇秦盛騰揀詳具奏聞奉聖旨固安罹患甚苦撫字軫恤全在有司加意設法秦士奇這奏著該部逐款酌覆所進圖知道了該部知道 明縣人貢生郭成名弔城

陷殉難諸生文 崇禎二年冬月夷兵之變我縣諸生守城不屈相率效死者自張國

銘以下七十餘人在諸人學與識兼惜拍敵不能得沒於沙嶺邑宰秦公士奇請旨特旌成名於此時同爲諸生協力守城亦被敵擊其頭未破輒伏地又以馬迎踐之惶

駭中覺有密語者竟免難用是哀我同調俚言當哭其餘鄉紳編戶男婦死節甚多幸懸市者愈續焉詞曰叶維我輩矢志折衝數之弗敵咸摧其鋒非邑灰燼骨肉亦從血

腐爛抱冤以終幸有聖恩優恤既崇離則死安淚靡窮嗚呼哀哉思之填胸 明

固安縣志 卷四故實志

兵事

永清王業隆冒雪至固慘見士民屠戮感賦 十日催歌臥犬羊那聞片檄出長楊盈城怨霧橫殺氣滿地寒沙帶血光新鬼竊橋初咽夜舊家隨水幾懷鄉天公似惡雖陽

苦慘澹千林作浪行 又悼李本握方城故第一首 燕雀無聲綠長苔可鄰王謝舊亭臺主人不識今何處隨得黃花向客哀

問蒼蒼不堪追憶前時事重爲君家賦斷腸

原注余先有斷腸歌爲固安到生作

按是役我縣士民嬰城固守幾於與城倖亡邑紳殉難者則有舉人拓城知縣于進善貢生內黃教諭李時謙諸人生員則自張國銘以下七十餘人而在鄉士紳男婦死節

者尚不與焉實自古以來縣境被兵第一慘變也乃明季官私諸書多失於記載何耶觀東華錄有殲其衆之語則屠城之概亦可想見矣

清兵再薄固安城

崇禎九年七月末清兵薄固安城知事黃奇遇率士民登陴固守城得不陷八月初六日清

兵解圍去

附錄明開封司理關永傑撰固安知縣黃侯城守紀略 歲在困敦之七月邑經變

人情風鶴危如累卵公毅然爲城守計綢繆拮据凡兩閱月而邊警廓清城郭無恙當事者已經題叙公且暮以內召行邑人士凡在保全者莫不戴公履蔭謂當一事以減縣史誌明德也語曰惟事事乃其有備有備無患此之謂也先是春王正月公有事於鑿築捐俸倡義克襄大功其詳已載島廬彼時金湯既險即日條械練兵每出犄角易鉄塢集燈氏繕人眾製神器大小有額嘗語人曰疆場多事吾不憚爲此早計者蓋未雨徹桑云爾未幾七月而敵報果至維時比屋寥落士民晨星而山陝實遷者強半初聞烽信多有携資總負而潛奔者公聞知即歆血誓神倍孝廉侯秉乾首倡大義鳴諸士民而告之曰朝廷設守今上以保邦士下以衛蒼生今茲之變不思嬰城拒敵而欲爲望風之逃吾當執三尺以從事况若等讀書知大義即耕野城市者久在撫循六載救養而不能邀一日向義則父母之謂何諸人感泣咸思登陣公遂先出庫儲陳粟若干塢合原練壯丁八百日給廩餼復綜城內外門下悉人行伍而城頭素積掘木挖

固安縣志 卷四故實志

兵事

三

牙亂石齒齒更以神鎗火藥三眼銃萬人敵佛郎機大將軍寶刀雄弓矢以迄鉦人鼓人千夫長百夫長凡既備矣公听夕戎服與衆同甘苦懸大錠賞捭揅遂隊曰嗟我士驍無譁貪功野戰是誠不能擊死惡城未敢多讓倒崇塘浚深人器周備衆一乃心力以應燃賞倡選者殺無赦不用命者殺無赦諸人唯唯既而凶鋒僣迫勢在震鄰公時刻巡督飲食臥榻俱在譙樓後密率快壯往偵遇敵於陶家營距縣二十里許歸報公公曰事急矣當出奇以制之於林木茂密中立幟埋砲爲疑兵且詐書邊帥禁示若大兵屯聚者敵知有備遂憚不敢近其守探壯丁原係鄉居有聞家遭擄掠哭天號地公恐倡亂簡其作俑者一人置之刀俎密以死囚易之味爽俟示衆股栗從此靜聽約束無叫譁聲公則時設牛酒爲犒病授以藥藥給以求又念城池之設原以保民今乃四鄉難亂突忽聽其顛沛下令顧從人城者周之不兩日而踴無數公見其跟跚狀惻然動色捫戶搗米以給之會李楊二文學捐借麥豆一百餘以佐其不足從此衆庶感激無不登城效死以一當百而四圍遂安於磐石矣敵因見禁示不知公之神術

以爲大兵眞係屯駐遂招老營而來思與之角灰塵蔽空一望無際公從容與衆曰未
來時戒嚴百倍今既敵無用張皇所謂無事而作有事陞防有事而作無事鎮定
也衆唯唯摩厲以須俄而逼城公命拊鼓傳喊響振林木以示先聲隨以他擊斃數十
披靡而遁是爲八月初六日也是日即有接師自涿進取道潞河與敵相遇於院外對
陣城上助以大砲擊傷甚衆復授官兵鉛彈數斗上下擊殺大鎗狂鎗打死無數拋棄
雲梯數百難民乘敗而歸籍者可千萬計敵狼狽遠去公又慮排勝憤事成備視前
加愆又謀於衆曰援旅雖不爲我而來然行糧屢給帶有部筭能無遺勉以應隨又動
支帑金一如前數更有一二方將駁兵無紀頓至驛驢公竭力調停越半月後敵陸續
去而亦尋出塞外矣迄今事平公之功績俱載士紳商民之口業奉明綸查叙議者謂
公之福德獲此枚壽余則謂公之治才有不可泯沒者四先事修繕智也臨事折衝勇
也虛示之疑死囚之換得非紀信賢楚乎可以觀神明不測之術焉給流離者以豆粥
供城守者以饔飧得非長穩發粟乎可以觀權宜濟衆之慈焉是役也總計費千七百

固安縣志 卷三 文獻志

餘金不以鈞算請上官不以加派苦百姓惟以薪俸寄懷義事比事竣而市肆宴然城
社無恙向之先期引避者多至帶傷痕拋子女失寶物重禍而來咸愧汗浹背負荆肘
膝御匍於庭公一笑而釋之余又服公之量誠納污藏垢包荒無遺類矣余不佞補選
長安素見知於楊威範而邑中故舊孝廉侯秉乾明經周爾恒郭東阜偕來過問云係
城守同辛勤者因詳述顛末託余爲記遂援筆書之爲之歌曰戎馬在郊躪我生民神
君設法三分五申聖城拒敵掃靖烟塵明燭千秋歌舞霽霽

按是役畿南州縣多淪陷我縣官民以固守城遂得全亦可云微天之幸矣至城守紀
略云語過鋪張似難據爲實錄夫以清初關外之兵力明之堅城名將當之輒靡

之亦不值一哂何足詔爲神奇蓋以縣城已於前數年殘破未足再興所來者或係清
之偏師故幸而得全耳惟城既得全官民相與協守之勞究不可沒又前代文字關於
紀載縣境兵事絕少故錄之

明流賊李自成竄經固安

崇禎十七年四月丁亥昧爽李自成出齊化門西走總兵吳三桂望城中火作知賊走繞城而西追奔三十里賊馬驟俱重載日行數十里追兵至蠶萊其輜重婦女自盧溝至固安百

里蓋甲衣服盈路

事本明史記

按明自崇禎初提中驛站所在盜賊盡起遂至毒流天下禍及君親亦可云慘矣前則川陝齊豫淮徐所在大盜橫行民陷鼎鑊甚至臨時匪黨敢於邀殲火車而小民之被架票勒贖者日必數起瞻望前途未知後此禍亂伊於胡底也

清初妖賊劉東坡掠渾河左近

順治元年秋大饑妖賊劉東坡肆掠渾河左近

見東安縣志

清初土賊岳二等爲亂

順治二年乙酉閏六月固安等土賊岳二等作亂文康公討平之

見游宋繼文康公年譜

清泉匪擾固安南境

固安縣志

卷四故實志

兵事

二五

同治六年歲歉搶匪由山西竄入直隸泉匪乘機煽動多係山東果昌府冠縣人初與本境富民結夥夥瓜其性刁悍往往仇視地主至是年始聚黨搶鹽盜賣人呼鹽泉尋搶損銀兩馬匹五月自新城雄縣來擾邑南柳林莊林城等村所過擄掠村民驚走十月間兇焰愈熾聚有千餘人戕殺仇家俘擄少年邑南村莊大亂

見固安縣志

又同治六年歲饑旱災隴山靜

海販私鹽泉匪乘機竄發山東教匪應之保定津河諸屬邑皆騷動直隸總督劉公長佑方

南赴河防而轄境大擾自將討泉匪泉匪奔山東乞款於提督傅公振邦尋復叛乘虛北走

劉公以步軍嚴防要隘別選馬勇二千與之馳逐匪遂由固安雄縣掠霸州京師震動詔革

職以大學士官文代爲總督命下十餘日而泉匪平

見清室北轡中事略

三日詔近據勝阿奏報泉匪日漸北趨由涿州窺擾永清霸州等處雖經官軍圍練小有

斬擒而以數百烏合之衆縱橫奔突且漸增至千餘實屬不成事體劉長佑身膺疆寄有負

委任即行卓職交官文差遣委用責命帶隊自效以贖前愆

見諸李慈澂日記

按泉匪俗呼爲騎馬賊始起時惟以搶掠爲事曾將南趙各莊任起盛擄去迨深冬時

重經縣境則大肆屠戮有參風譁聲一落而勢聲以驅勢便切勢後如北宋村尙某紅寺村劉某皆爲所縛割緣泉匪先此個人日時以客陵主莫敢誰何而尙某等專與之敵且屠役

之遂叩恨次骨故禍最烈云

清丁寶楨駐師固安

捻匪張總愚入陝後爲劉公松山所敗走竄山西入直緣擄犯保定天津河間京師咸嚴劉

公松山繞出賊前破之於獻縣丁公實楨入援率師駐固安見中國名臣事蹟名

按是年捻匪曾流入縣境肆行搶掠大義尚村紀淑修紀灼修蘇家橋村畢鶴年統被擄去故均故劉武慎公長佑駐縣屬馬莊鏢而忠勤僧格林沁之師亦先後出固安境

清義和拳匪之禍固安

光緒二十六年義和拳匪之亂本境肇於是年正月惑是道者以黃鹽楊先務方城大椿林李家營白家村爲先二月經縣署示禁稍熄五月復議起焚燒韓家莊康家務白得碱各村教堂窺索商富蔓延迫脅至六月幾於無村無之七月縣軍至京師陷新城庫首號招數千

固安縣志 卷四 故實志

兵事

人據縣南關以赴京禦西兵爲名有永定河道署惡吏爲緣劫索厘銀會米作餉會提督准軍呂本元自永清至駐牛屯鎮匪等回據縣南韓莊二十八日與官軍互轟於馬莊南尋敗潰官軍延燒十餘村韓莊幾成灰燼率果而死於兵者百餘人官軍南下匪旋反據馬莊廬肆皆盈規案備至而武衛隊軍二營尋駐固安道憲並立河防局招勇首自馬莊移牛屯八月初二日河防勇與陝軍往勦皆逸初五日固安典史王文煥繼往牛屯收其鎗彈開突至獲教典史並防勇十數名尋有武邑韓姓之匪與一僧詐稱善符呪能閉鎗彈黃堡李桂補聚千餘人或縣城隙謁東門經陝軍出北門兜勦韓匪與僧立時槍斃餘匪奔潰傷亡百餘人獲十數人吳示東門外初八日陝軍出勦匪逸焚黃堡村而返二十日淮軍回攻新城關故家窩破其多巢匪黨始解是年牛屯馬莊二鎮商業虛耗大半縣志又庚子秋永定河防局勇協助固安陝軍勦捕竄牛屯之新城板家窩拳匪因肆搶擄全鎮失亡約五六十萬緡繼因欲發財復來拳匪偵知民怨甚悉匿黃堡潛來襲敗兵勇並戕王典史文煥父子河員還怒牛屯鎮人議罰萬金否則報以燒殺是時商民逃匿一空河廳朱撫實呈李傅

相先遣散河兵捐金數百送南樞歸以結戎官案

見縣人寓鄉中自述

按義和拳乾坎諸邪術備於嘉慶初年後雖用兵勦滅之而私習久而未已迨項城袁總統撫東時痛加剿絕習其術者多逃於直隸南界避難更傳其術於直人專以殺教士教民爲務自詡有神附其體槍礮離利莫能傷也愚民趨之若鶩時在光緒二十年冬季先是新城屬沈各莊村民因田產板家窩村民因舖房迭與天主教訟局於官至是官先習其術以爲洩忿地而沈各莊村人張德成本據稿小盜板家窩人王成德皆爲人備遂爲畿南拳匪之魁其名均其於拳章而王成德尤爲遠近所推泰評爲大師兄二師兄鮑玉和甄家馬頭人性最惡而吾縣之拳術實由其所傳授該縣等自拆毀涿縣鐵路而後凶焰益張不分鄉民與本黨一言不合動即慘殺如馬村之張景良流勺村之鮑姓男女十一口均遭該匪仇殺橫死其殘忍無親適成其爲陣而已清隊軍統領歐陽某戰歿於固安城

固安縣志

卷四故實志

兵事

庚子九月九日聯軍英兵大股由保定赴永清經馬莊午坨無所授十一日聯軍德兵由新城境至夜攻入縣城陝軍因奉全權大臣李鴻章停戰札即時撤隊與德兵遇互滿擊統軍歐陽某中槍彈歿於陣斃兵十餘名中兵槍械俱被焚燬索款六千金其兵卒之搜括倍蓰焉十月杪聯軍某國兵復由永清至稍斃縣人十數名趨吏民於西門外監守軍事搜掠

見固志

按德軍之初至固安也城內原駐紮陝軍數百人即有李傳相檄不許再開營端德軍遂令機械陝軍已允諾緣受迫太甚致釀互相轟擊統軍歐陽某歿軍出西門逸去迨後其聯軍由永清至也官紳方迎之入城忽開槍射擊趨吏民數百人於城垣上悉縛之縱橫相次排爲人梁橫施林打欲俱焚殺嗣復捆載多人至涿州經縣宰王叔賢賂以重金始行釋還所損失不下四五萬兩

清天津總鎮徐得標歿於宮村鎮

十一月天津總鎮徐得標駐宮村聯軍德兵自涿至中兵奔潰土匪乘勢搜掠宮村商務大壞縣西南各鄉多被其擾徐總鎮死焉

見固志